

詩

集

廣

序

詩集廣序目次 卷之四

亞同漢詩三

五言學

書蘭印

禁

武別詩四首

陵

與蘓武詩三首

亡名氏

擬李陵別詩八首

擬蘓武答詩一首

詩集廣序

目次 漢三 五言

詩集廣序目次卷之四終

男爾邁校正

詩集廣序

卷之四

江左朱嘉徵止谿論正

中州許三禮西山叅定

漢詩三

五言二

蘓武

子卿京兆人。武帝天漢二年。以中郎將使匈奴。十九年不屈節。昭帝時和親得歸漢。拜爲典屬

國。宣帝神爵二年卒。竹林詩評曰。蘓武作。稱爲高古。非清廟之瑟。朱絃疏越。一唱三歎。更無可喻之。

別詩四首

骨肉緣枝葉。結交亦相因。四海皆兄弟。誰爲行路人。況我連枝樹。與子同一身。昔爲鴛與鴦。今爲參與辰。昔日

嘗相近。邈若□與秦。惟念當乖離。恩情日以新。鹿鳴思
野草。可以喻嘉賓。我有一尊酒。欲以贈遠人。願子留斟酌。
叙此平生親。

右出使時別兄弟詩

集考漢書武兄弟並爲郎擬錄別詩奕奕合衆芳是也

結髮爲夫妻。恩愛兩不疑。歡娛在今夕。燕婉及良時。征
夫懷往路。起視夜何其。參辰皆已沒。去去從此辭。行役
在戰場。相見未有期。握手一長歎。淚爲生別滋。努力愛
春華。莫忘歡樂時。生當復來歸。死當長相思。

右留別婦詩

玉臺同載餘並闕

謹按風詩豈無膏沐誰適爲容而子卿別婦乃云努力愛春華何歟夫臣死節下臣之春華也妻死初醮妻之春華也語見至分

燭燭晨明月。馥馥我蘭芳。芬馨良夜發。隨風聞我堂。征夫懷遠路。遊子戀故鄉。寒冬十二月。晨起踐嚴霜。俯觀江漢流。仰視浮雲翔。良友遠別離。各在天一方。山海隔中州。相去悠且長。嘉會難再遇。歡樂殊未央。願君崇令德。隨時愛景光。

右出使時別李陵詩

集考。漢書武帝太初元年。改從夏正。十二月夏正也。謹按。劉知幾辨李陵與蘇武書。非西漢文。東坡因謂蘇李贈答詩。亦後人所擬。蘇統不能辨。或謂武在長安作。何爲及江漢諸人說詩。亦固矣哉。燭燭晨明月。爲征夫懷遠路之興。馥馥我蘭芳。爲遊子戀故鄉之興。蓋晨光易熹。而芳風可懷也。昔人謂江出岷山。漢出嶓冢。流至大別山而合。舉江漢言分者。有時而合也。舉浮雲言遠者。有時而近也。以興良友之近可遠。合可分。乃宋人少之。空唐以後無詩也。諸詩類此。

黃鵠一遠別。千里顧徘徊。馬失其羣。思心嘗依依。何

況雙飛龍。羽翼臨當乖。幸有絃歌曲。可以喻中懷。請爲
遊子吟。冷冷一何悲。絲竹厲清聲。慷慨有餘哀。長歌正
激烈。中心愴以摧。欲展清商曲。念子不得歸。俛仰內傷
心。淚下不可揮。願爲雙黃鵠。送子俱遠飛。

右歸漢時別李陵詩。四首。文選並載。集考。遊子吟。楚引也。楚人龍丘高所作。

謹按。是詩比物連類。絕不下一實語。蓋中有難言者。只念子不得歸一句。正出此國風之正。參看擬詩。雙鳬俱北飛。雙鳬相背飛。便覺虛情頓減。

序曰。子卿人倫之選也。余四言首韋孟。五言先蘓公。詩以人重哉。

李陵

少卿。廣之孫也。爲騎都尉。天漢中。將步卒五千。擊匈奴。轉關矢盡。遂降。單于以女妻之。並爲

右校王。昭帝初。霍光遣其故人隴西任立。政往招之。陵數循其髮。答曰。丈夫不能再辱。在匈奴二十

一年死。

庾信曰：李作工山，意表意寓法外。曹氏父子尚或難之，况後人乎？

與蘓武詩 三首

嘉會難再遇，三載爲千秋。臨河濯長纓，念子悵悠悠。遠望悲風至，對酒不能酬。行人懷往路，何以慰我愁。獨有盈觴酒，與子結綢繆。

集考：冠纓，仕子所服，濯以遠遊。

攜手上河梁，遊子暮何之。徘徊蹊路側，悵悵不能辭。行人難久留，各言長相思。安知非日月，弦望自有時。努力崇明德，皓首以爲期。

右二首在漢京送子卿使匈奴詩。集考：三載，弦望皆莫其復來也。

良時不再至。離別在須臾。屏營衢路側。執手野踟躕。仰視浮雲馳。奄忽互相踰。風波一失所。各在天一隅。長當從此別。且復立斯須。欲因晨風發。送子以賤軀。

右何遜中別子卿詩。三章載文選。集考浮雲奄忽。因風波蕩言客遊飛薄。亦爾晨風蚤風也。王右丞詠古詩。引領望子卿。非常誰相理。正從送子以賤軀。領出。

序曰。李少卿詩。調高氣逸。怨風之正。相其才氣。無雙有雄視一世之槩。武帝憐才。若在漢廷。室同有凌雲之目。後來陳思王。王仲宣。劉文學。及劉越石輩。領此風格。唐高岑頗見一班。思力浸薄矣。

亡名氏

謹按古詩因事託風。未有擬作也。擬作之興。自蘇李錄別詩始。開後人擬古詠古。意古風之例。余次之。

燕李之後誦詩者審其聲調而氣象之大小可知矣

擬李陵錄別詩 八首

有鳥西南飛，熠熠似蒼鷹。朝發天北隅，暮聞日南陵。欲寄一言去，託之牋綵繒。因風附輕翼，以遺心蘊蒸。鳥辭路悠長，羽翼不能勝。意欲從鳥逝，駕馬不可乘。

集考：文苑章注：鳥陽鳥下言飛之疾。北隅，句口南陵。喻漢。

爍爍三星列，拳拳月初生。寒涼應節至，蟋蟀夜悲鳴。晨風動喬木，枝葉日夜零。遊子莫思歸，塞耳不能聽。遠望正蕭條，百里無人聲。豺狼鳴後園，虎豹步前庭。遠天一隅苦，困獨零丁。親人隨風散，歷歷如流星。三萍離不結，思心獨屏營。願得萱草枝，以解饑渴情。

集考三星參也。秋分後見于東方，拳拳曲貌。晨風曉風，三萍蘋藻，萍皆浮水生，喻飄泊。

寂寂君子坐，奕奕合衆芳。溫聲何穆穆，因風動馨香。清言振東序，良時著西庠。乃命絲竹音，列席無高唱。悲意何慷慨，清歌正激揚。長袞發華屋，四坐莫不傷。

集考初，武兄弟並爲郎，後以中郎將使匈奴。言武在漢廷時議論出諸人有。

晨風鳴北林，熠燿東南飛。願言所相思，日暮不垂帷。明月照高樓，想見餘光輝。玄鳥夜過庭，髣髴能復飛。褰裳路踟躕，彷徨不能歸。浮雲日千里，安知我心悲。思得瓊樹枝，以解長渴饑。

集考章注：晨風，鷓鴣也；熠燿，螢火也。夫晨飛之鳥，鳴乎幽陰，夜行之虫，向陽而飛，喻身之失所寄也。詩經注：熠燿，光不定貌。謹按：少卿詩欲因晨風參，擬者兩見。

陟彼南山。隅送子淇水陽。爾行西南遊。我獨東北翔。轅馬顧悲鳴。五步一彷徨。雙鳬相背飛。相遠日已長。遠望雲中路。想見來圭境。萬里遙相思。何益心獨傷。隨時愛景曜。願言莫相忘。

謹按此章所擬在漢時別子卿詩也。淇水漢屬河內郡。南濱大河。西壓上黨。爾行西南游。往使也。志分手于此地。故蘓卿出使時別少卿詩。亦有俯觀江漢流之句。結調相勉意正同。疑有錯簡。

鍾子歌南音。仲尼歎歸與。戎馬悲邊鳴。遊子戀故廬。陽鳥歸飛雲。蛟龍樂潛居。人生一世間。貴與願同俱。身無四凶罪。何爲天一隅。與其苦筋力。必欲榮薄軀。不如及清時。策名于天衢。

集考左傳楚人鍾儀繫于晉。晉侯與之琴。操南音。公曰樂操土風。不忘舊也。陵答武書策名清時。策問

休暢

鳳凰鳴高岡。有翼不好飛。安知鳳凰德。貴其來見稀。

右七章見文苑閣文

紅塵蔽天地。白日何冥冥。微陰盛殺氣。淒風從此興。招搖西北指。天漢東南傾。嗟爾穹廬子。獨行如履冰。短褐中無緒。帶斷續以繩。瀉水置瓶中。焉辨淄與澠。巢父不洗耳。後世有何稱。

修文殿御覽

擬蘓武答詩 一首

童童孤生柳。寄根河水泥。連翩遊客子。于冬服涼衣。去家千里餘。一身嘗渴饑。寒夜立清庭。仰瞻天漢湄。寒風

吹我骨。嚴霜切我肌。憂心嘗慘戚。晨風爲我悲。瑤光遊
何速。行願去何遲。仰視雲間星。忽若割長帷。低頭還自
憐。盛年行已衰。依依戀明世。愴愴難久懷。

右見文苑逸詩

集考。柳。易衰之木。又托根浮淺。言以弱植客異域也。

童章獨立貌。割如發蒙蔽而有所睹。

鍾惺曰。諸詩名章古調。有挺出前詩者。正其下。蘓李詩尤

一格。詳其韵調。非孔融蔡邕輩不能。益辨蘓李詩允

五言作者。

謹按。太白稱其辭纏綿巧妙。近是。庾言渾朴之目。太

無皂白。

序曰。河梁詩氣朴而真。錄別詩情雋而巧。正以絕不
似爲工。相其意匠經營。都是空中結撰。是建安七子
氣運去前作則有咫尺矣。

詩集廣序卷之四終

男爾邁校正

詩集廣序目次 卷之五

漢詩四

五言三

班固詠史

張衡同聲歌

應亨贈四王冠詩

秦嘉留郡贈婦三首

蔡邕翠鳥

龐參見志詩二首

孔融雜詩二首

繁欽臨終詩

蕙諫失題

寺表賈平

目次

漢四

五言

一

蔡琰

悲憤詩

西王母

玄靈曲

上元夫人

步玄曲

田四妃

答歌

馬明生

遊仙詩二首

茅君

茅山歌

詩集廣序目次卷之五終

男爾邁校正

詩集廣序

卷之五

江左朱嘉徵止谿論正

中州許三禮西山叅定

漢詩

四

五言

三

班固

孟堅扶風安陵人。建初中。除蘭臺令史。遷立武司馬。母憂去官。大將軍竇憲征匈奴。以爲中護

軍。後憲敗。雒陽令种兢捕固死獄中。

劉彥和曰。孟堅雅懿。才密而思靡。

詩品曰。孟堅才流。而老于掌故。觀其詠史。有感激之辭。

詠史

三王德彌薄。惟後用肉刑。太倉令有罪。就逮長安城。自恨身無子。困急獨號哭。小女痛父言。死者不可生。上書

詣闕下。思古歌雞鳴。憂心摧折裂。晨風揚激聲。聖漢孝
文帝。惻然感至情。百男何憤憤。不如一緹縈。

右見詩紀

謹按。典則可誦。樂府雜曲。秦女休行。倣此。

序曰。孝文除肉刑。當代事耳。如大雅之頌文王。爲後
王法也。止輦受言。風采至今可想。

張衡再見

沈休文傳論曰。平子艷發。文以情變。久無嗣響。
劉彥和曰。平子淹通。慮周而藻密。

同聲歌

邂逅承際會。得充君後房。情好新交接。恐慄若探湯。不
才勉自竭。賤妾職所當。綢繆主中饋。奉禮助烝嘗。思爲
莞弱席。在下蔽匡牀。願爲羅衾幃。在上衛風霜。洒埽清

枕席鞦芬以狄香。重戶結金扁。高下華燈光。衣解巾粉。御列圖陳。枕張素女爲我師。儀態盈萬方。衆夫所希見。天老教軒皇。樂莫斯夜樂。沒齒焉可忘。

右載玉臺新詠

序曰。同聲。諷也。當時貴戚相浣。宦寺擅權。君志蠱矣。君子惓惓忠愛。雖變而不失其正焉。定情篇。又浸淫楚調矣。

應亨

爵里無考

贈四王冠詩

永平四年外弟王景系兄弟四人並冠。故胎之詩曰。

濟濟四令弟。妙年踐二九。令月惟吉日。成服加元首。人

咸飾其容。鮮能離塵垢。雖無兕觥爵。杯醕傳旨酒。

右見詩紀

序曰。冠猶行古之道也。詩頗典雅可頌。

秦嘉 再見

留郡贈婦詩三首

本序。嘉爲上郡掾。其妻徐淑寢疾還家。不獲面別。贈詩云爾。

人生譬朝露。居世多屯蹇。憂艱嘗早至。歡會嘗苦晚。念當奉時役。去爾日遙遠。遣車迎子還。空往復空返。省書情悽愴。臨食不能飯。獨坐空房中。誰與相勸勉。長夜不能眠。伏枕獨展轉。憂來如循環。匪席不可卷。

皇靈無私親。爲善荷天祿。傷我與爾身。少小懼災獨。旣

得結大義。歡樂苦不足。念當遠離別。思念叙欸曲。河廣無舟梁。道近隔丘陸。臨終懷惆悵。中駕正踟躕。浮雲起高山。悲風激深谷。良馬不迴鞍。輕車不轉轂。鍼藥可屢進。愁思難爲數。貞士篤終始。恩義不可促。

肅肅僕夫征。鏘鏘揚和鈴。清晨當引邁。束帶待雞鳴。顧看空室中。髣髴想姿形。一別懷萬恨。起坐爲不寧。何用叙我心。遺思致欸誠。寶釵好耀首。明鏡可鑒形。芳香去垢穢。素琴有清聲。詩人感木瓜。乃欲答瑤瓊。愧彼贈我厚。慙此往物輕。雖知未足報。貴用叙我情。

右三章見玉臺新詠後附徐淑答詩

徐淑答秦嘉詩曰。妾身兮不令。嬰疾兮來歸。沈滯兮家門。歷時兮不差。曠廢兮侍覲。情敬兮有違。君兮今兮奉命。遠適兮京師。悠悠兮離別。無因兮叙懷。瞻望兮

踴躍佇立兮徘徊。思君兮感結。夢想兮容輝。君發兮引。適去我兮日垂。恨無兮羽翼。高飛兮相追。長吟兮永歎。淚下兮沾衣。

楊慎曰。予觀藝文類聚。見東漢婦人徐淑。與夫秦嘉兩書。又觀玉臺新詠。見其與夫詩。皆麗則可誦。又考史通。稱其動合禮儀。言成規矩。夫死毀形不嫁。哀痛傷生。可謂才德兼美者也。范曄後漢書作列女傳。乃舍淑而取蔡琰。何哉。

序曰。秦嘉徐淑琴瑟間良友也。詩亦家人語。不覺醇

至。潘安仁悼亡詩。極摹此種。

蔡邕

伯喈。陳留圉人。建寧中。辟司徒橋玄府。出補河平長。徵拜郎中。較書東觀。遷議郎。靈帝崩。董卓

爲司空。辟邕還尚書侍中。及卓誅。主允收邕付廷尉。死于獄。

翠鳥

庭陬有若榴。綠葉含丹雘。翠鳥時來集。振翼修形容。回顧生碧色。動搖揚縹青。幸脫虞人機。得親君子庭。馴心

托君素嶋雄保百齡

右載詩紀

謹按唐人詠崔詩無如君子前本此。

序曰。中郎翠鳥詩。寄託遠。開後人詠物體。

酈炎

文勝范陽人。在文才。尚志氣。靈帝時。州郡辟命。皆不就。

見志詩

大道夸且長。窘路狹且促。修翼無卑棲。遠趾不步局。舒
吾凌霄羽。奮此千里足。超邁絕塵驅。倏忽誰能逐。賢愚
豈嘗類。稟性在清濁。富貴有人籍。貧賤無天錄。通塞苟
繇已。志士不相卜。陳平敖里社。韓信釣河曲。終居天下
宰。食此萬鍾祿。德音流千載。功名重山嶽。

靈芝生河洲。動搖因洪波。蘭榮一何晚。嚴霜瘁其柯。哀

詩集廣序

卷五 漢四

五言

四

哉二芳草。不植泰山阿。文質道所貴。遭時用有嘉。絳灌
臨衡宰。調諠崇浮華。賢才抑不用。遠投荆南沙。抱玉乘
龍驥。不逢樂與和。安得孔仲尼。爲世陳四科。

右二章載詩紀
詩品曰。文勝托詠靈芝。懷寄不淺。

序曰。見志詩傷時也。當時謠曰。寒素清白濁如泥。東
漢之選舉廢矣。

孔融再見

漢史稱融爲北海太守。自袁公路術爲冢中枯骨。豈
憂國忘家者。其鑒畧如此。乃志在靖難。而才疎意廣
訖無成功。

魏文帝典論曰。孔融體氣高妙。有過人者。然不能持
論。理不勝辭。至于雜以嘲戲。及其所善。揚班儔也。

雜詩

巖巖鍾山首赫赫炎天路。高明曜雲門。遠景灼寒素。昂
昂累世士。結根在所固。呂望老匹夫。苟爲因世故。管仲
小囚臣。獨能建功祚。人生有何嘗。但患年歲莫。幸托不
肖軀。且當猛虎步。安能苦一身。與世同舉厝。繇不慎小
節。庸夫笑我度。呂望尚不希。夷齊何足慕。

集考。十洲記。鍾山。在北海之北。仙家種芝之地。其山之
巔。至北極寒之所也。淮南子。南方曰炎天。章注。言
炎涼之相絕。一生秉節。不爲世移也。末言呂望貪功。
夸齊狗名。二者皆非所思。

鍾惺曰。文舉別有曠談。初似置呂望于管仲之下。此
又似置夸齊于呂望之下。顛倒抑揚。不落世人眼耳。

序曰。雜詩詠巖巖漢魏六代重門第之弊。畧見文
舉意。廣才疎。行徑落落。開後人飲酒詩偶然作一派
風氣。

遠送新行客。歲暮乃來歸。入門望愛子。妻妾向人悲。聞
子不可見。日已漸光輝。孤墳在西北。嘗念君來遲。褰裳
上墟丘。但見蒿與薇。白骨歸黃泉。肌體乘塵飛。生時不
識父。死後知我誰。孤魂遊窮寡。飄飄安所依。人生圖享
息。爾死我念追。俛仰內傷心。不覺淚沾衣。人生自有命。
但恨生日希。

集考。融遇害時。男女長幼凡四子。操皆殺之。此子早
歿。史不載。

序曰。遠送新行客。至哀無聲。爲曹王七哀所祖。

臨終詩

本傳。融爲太中大夫。見曹操雄詐漸著。頻書爭之。多
致乖忤。又奏宜準古王畿之制。千里寰內。不以封建
諸侯。操疑其所論建漸廣。並憚之。卻慮承旨。以徵法
免融。又令路粹誣奏融。下獄弃市。

多言令事敗。器漏苦不密。河潰蟻孔端。山壞繇猿穴。涓涓江漢流。天牕通冥室。讒邪害公正。浮雲翳白日。靡辭無忠誠。華繁竟不實。人有兩三心。安能合爲一。三人成市虎。浸漬解膠漆。生存多所慮。長寢萬事畢。

右三章見文苑

集考。涓涓。小水。能益江漢。天窗。容隙。能通暗室。言已小忠。能裨國事。開人心也。市虎。見國策。指都慮路。特相與構成已罪也。

序曰。魏祖雄詐。起手便見。文舉至死方悟。何見之晚耶。志稱。文舉高談清教。盈溢官曹。論事考實。難可悉行。豈所謂高才而處末流者乎。

失題

歸家酒債多。門客粲幾行。高談滿四座。一日傾千觴。

言
月
序
右載詩紀

序曰。孟公投轄。北海開尊。鄭莊驛馬長安。以通賓客。皆豪舉也。此等舉動。亦見世斯季矣。

繁欽

休伯文才機辨少得名于汝。為丞相主簿。建安二十三年卒。

蕙詠

蕙草生山北。托身失所依。植根陰崖側。夙夜懼危顛。寒泉浸我根。淒風嘗徘徊。三光炤八極。獨不蒙餘暉。葩葉永彫悴。凝露不暇晞。百草皆含榮。已獨失時姿。比我英芳發。鴟鵂鳴已哀。

右載詩紀

序曰。繁休伯蕙詠。與古詩橘柚比義略同。此為變風。

蔡琰

文姬。邕之女也。博學有才辯。又妙于音律。適河東衛仲道。夫亡無子。歸寧于家。興平中。天下喪亂。爲□騎所獲。沒于南匈奴。□左賢王。十三年生二子。曹操痛邕無嗣。遣使者以金璧贖之。重嫁陳留董祀。後感傷亂離。遣懷悲憤。作詩二章。

悲憤詩

漢季失權柄。董卓亂天嘗。志欲圖篡弑。先害諸賢良。逼迫遷舊邦。擁主以自彊。海內興義師。欲共討不祥。卓衆來東下。金甲耀日光。平土人脆弱。來兵皆□羌。獵野圍城邑。所向悉破亡。斬截無子遺。尸骸相撐拒。馬邊縣男頭。馬後載婦女。長驅西入關。迢路險且阻。還顧邈冥冥。肝脾爲爛腐。所略有萬計。不得令屯聚。或有骨肉俱。欲言不敢語。失意幾微間。輒言斃降□。要當以亭刃。我曹

不活汝豈不惜性命不堪其詈罵或使加捶杖毒痛參
并下旦則號泣行夜則悲吟坐欲死不能得欲生無一
可彼蒼者何辜乃遭此厄禍邊荒與華異人俗少義理
處所多霜雪□風春夏起翩翩吹我衣肅肅入我耳感
時念父母哀歎無窮已有客從外來聞之嘗歡喜迎問
其消息輒復非鄉里邂逅微時願骨肉來迎已已得自
解免當復棄兒子天屬綴人心念別無會期存亡永乖
隔不忍與之辭兒前抱我頸問母欲何之人言母當去
豈復有還時阿母嘗仁惻今何更不慈我尚未成人奈
何不顧思見此崩五內恍惚生狂癡號泣手撫摩當發
復回疑兼有同時輩相送告離別慕我獨得歸哀叫聲

摧裂馬爲立踟躕。車爲不轉轍。觀者皆歔歔。行路亦嗚咽。去去割情戀。遙征日遐邁。悠悠三千里。何時復交會。念我出腹子。胸臆爲摧敗。旣至家人盡。又復無中外。城郭爲山林。庭宇生荆艾。白骨不知誰。從橫莫覆蓋。出門無人聲。豺狼號且吠。煢煢對孤景。怛咤糜肝肺。登高遠眺望。魂神忽飛逝。奄若壽命盡。旁人相寬太。爲復彊視息。雖生何聊賴。託命於新人。竭心自勗厲。流離成鄙賤。嘗恐復捐廢。人生幾何時。懷憂終年歲。

右詩載後漢書

載一作穢穿直庚反

蔡寬夫曰。後漢書載琰二詩。或疑非琰辭。蓋未嘗詳考于史也。初卓擅廢立。袁紹輩起兵山東。以誅卓爲名。中原大亂。卓挾獻帝遷長安。是時士大夫豈能以家自隨。則琰之入。不必在邕誅之后。其詩首言逼迫遷舊邦。海內興義師。則指紹輩蓋可見。繼言縱橫

言
圍城邑。長驅西入關。則是爲山東兵所掠也。末云感
時念父母。哀歎無窮已。則邑尚在亡疑也。

鍾惺曰。五言古詩長篇。漢人亦不易作。惟悲憤詩及
廬江小吏妻耳。二詩詳至而不冗漫。變化而不雜亂。
斷續而不碎脫。老杜北征諸篇頗優入之。元白長詩
人病其無法。亦本于此。特其力疲而體率耳。

序曰。古人論士才節二者。往往不能兼。婦人亦然。楊
升庵以此定徐淑蔡琰之優劣。則過矣。琰自爲詩曰。
薄志節兮念死難。此語亦斷盡千古文士伎倆。夫能
兼之者。蘓子卿陶淵明二人耳。阮嗣宗趣世。張季鷹
知幾。非節也。李少卿志不再辱。昭君自請行。單于務
叔夜好鍛以忘生。機雲入雒以及禍。潘生閑居。與石
友同歸。康樂遊山。爲世大戮。不善用其才。蓋與孔北
海等。嗚呼。才亦難言哉。此蔡琰之不甘與草木同腐。

也。論徐淑者以夫死毀容見稱。淑亦平世三公才也。節則吾未之聞焉。

西王母

玄靈曲

武帝內傳曰。元封元年七月七日。西王母降于漢宮。酒觴數徧。諸侍玉女作樂。命法嬰歌玄靈之曲。

大象雖寥廓。我把天地戶。披雲沉靈輿。倏忽適下土。空洞成玄音。至靈不容冶。太真噓中唱。始知風塵苦。願神三田中。納精六闕下。遂乘萬龍椿。馳騁盼九野。

右載內傳下同

謹按。天地之戶。真氣守之。不過陰陽噓吸自然。而春秋旦莫運焉。風塵自苦。至靈其何心哉。疑出秦博士爲仙真人詩。流傳入漢。

上元夫人

上元夫人。道君弟子也。亦玄古以來得道。總統其真籍。亞于龜臺金母。所降之處。多

詩集廣序

卷五

漢四

五言

九

使侍女相聞。以爲賓侶焉。

步玄曲

內傳曰。西王母招上元夫人。夫人至。自彈雲琳之琴。歌步玄之曲。

昔涉玄真道。騰步登大霞。負笈造天關。借問太上家。忽過紫微垣。真人列如麻。淥景清飈起。雲蓋映朱葩。蘭宮敞朱闕。碧室起瑤沙。丹臺結空構。暉曜生光華。玉胎來絳芝。九色紛相拏。挹景練仙骸。萬劫方童牙。唯言壽有終。扶桑不爲查。

詩紀。室作空。今從藝文。

謹按。步玄言內景也。丹臺初成之候。

田四妃

答歌

西王母。又命侍女田四妃答歌云。

晨登太霞宮。挹泚把玉蘭。夕入玄元闕。采藥掇琅玕。濯
足匏瓜河。織女立津盤。吐納挹景雲。味之當一餐。紫微
何濟濟。璫輪服朱丹。朝發汗漫府。莫宿句陳垣。去去道
不同。且各體所安。二儀設猶存。奚疑億萬椿。

右三詩載詩紀外集
謹按答歌酒酒游行是能不離風塵者。仙佛道何曾
去人之遠。

馬明生

遊仙詩

二首

本傳明生隨安期負笈周游天下二十年。安期曰。子
真有仙骨。遂受以太清金液丹方。入華陰山餌之。臨
去著詩。漢光和三年也。

天地自有嘗。人命最險穽。年若驚弦發。時猶輕矢逝。雖有灼灼姿。玉爲塵土穢。林草無秋輝。綠葉豈終歲。惜此繁茂攜。哀彼寒霜厲。有存理必亡。有興故有廢。真官戲立津。與物無凝滯。神冲紫霄內。形棲山水際。對虛忘有懷。遊目託容裔。風塵將何來。真道故可太。

濁塗諒爲歡。世樂豈足預。振褐埽塵遐。飄飄獨遠舉。寥寥巖嶽際。蕭蕭縱萬慮。靈真與我遊。落景乘鴻御。朝乘雲輪來。夕駕扶搖去。嗷嘈天地中。囂聲安得附。

右二章見本傳
謹按與物無凝滯六通之畧見矣

茅君

茅山歌

內傳曰。茅盈。咸陽人也。得道隱句曲鄉。人因改句曲
爲茅君之山。時盈二弟俱貴。衷爲五官大夫。西河太
守。固爲執金吾。各棄官渡江。求兄于東山。後咸得仙
道。太上命固治丹陽句曲山。衷治嘗良之山。盈爲司
命真君。東嶽上卿。于是盈與二弟訣別俱去。固衷留
治此山。漢平帝元壽二年也。內法旣融。外教坦平。爾
乃風雨以時。五禾成熟。疾病不起。暴害不行。父老歌
之。

茅山連金陵。江湖據下流。三神乘白鶴。各在一山頭。佳
雨濯畦稻。陸田亦復周。妻子保堂室。使我無百憂。白鶴
翔青天。何時復來遊。

右見雲笈七籤外篇

序曰。余頌嗣宗詠懷詩。黃鵠呼子安。千秋未可期。置
此明朝事。日夕將見欺。夫世之爲方仙道。其爲方士
迂怪見欺者多矣。讀諸仙詩平淡。其言可謂不欺。吳

言集序
赤鳥七年。葛孝先仙去。駐駕空中。爲詩云。大道嘗無
爲。弘之繇善始。可方一切真道矣。夫豈欺我。

詩集廣序卷之五終

男爾邁訂正

詩集廣序目次 卷之六

魏詩二

五言一

文帝

雜詩

芙蓉池作

黎陽作

孟津

清河見挽別作

陳思王

雜詩九首

侍太子坐

三良詩

贈白馬王彪七章

贈丁翼

贈王粲

七步詩

雜詩

言志

於譙作

於立武陂作

至廣陵于馬上作

清河作

失題

公宴詩

送應氏詩二首

遊仙詩

贈丁儀王粲

贈丁儀

贈徐幹

失題

芙蓉池

詩集廣序目次卷之六終

男爾邁校正

詩集廣序

卷之六

江左朱嘉徵止谿論正

中州許三禮西山叅定

魏詩二

五言一

嚴滄浪曰。風雅變而爲西漢五言。時則有建安體。鄴中七子詩。黃初體。與建安相接。其體一也。正始體。嵇阮諸公之詩。

沈休文傳論曰。建安曹氏。以情緯物。以文被質。

劉彥和曰。建安之末。魏武雅愛詩章。文帝陳思並體。英逸。故才俊雲蒸。觀其時。文雅好慷慨。良繇世積亂離。風衰俗怨。蓋梗槩而多氣也。正始餘風。篇體輕澹矣。

魏文帝典論曰。今之文人。魯國孔融。文舉。廣陵陳琳。孔璋。山陽王粲。仲宣。北海徐幹。偉長。陳留阮瑀。元瑜。汝南應瑒。德璉。東平劉楨。公幹。斯七子者。咸自騁驥。馳于千里。仰齊足而並馳。

詩集廣序

卷六

魏二

五言

陳壽魏志叙陳思王至劉文學爲建安七子。謝康樂因之作鄴中集詩亦首王粲。訖平原侯植焉。徐昌谷曰魏詩門戶也。漢詩堂奧也。入戶升堂固其機也。而晉氏之風本之魏焉。然而判跡于魏者何也。故知門戶非定程也。晉陸生之論詩緣情而綺靡。綺靡者因魏詩之渣穢耳。馮汝言曰建安詩辨而不華質而不俚風調格力得風雅騷人之遺爲近古者也。

文帝

再見

魏志文帝天資文藻才藝兼該若加以廣大之度勵以公平之誠邁志存道克廣德心則古之賢王何遠之有哉。

許西山曰子桓叙事體物瀏亮善爲賦體詩于西京朴氣未遠然古詩聲度一變爲高澹閒雅矣是開黃初之風若未大爾詩品稱其與河梁詩爲近殊未然

雜詩

漫漫秋夜長烈烈北風涼展轉不能寐披衣起彷徨
彷徨忽已久白露沾我裳俯視清水波仰看明月光天漢

回西流。三五正縱橫。草蟲鳴。何悲孤鴈獨南翔。鬱鬱多
悲思。綿綿思故鄉。願飛安得翼。欲濟河無梁。向風長歎
息。斷絕我中腸。

右載文選。本集爲抱中作。
毛注。三心五獨。四時更見。

序曰。帝好文華。無立志。乃公六州。豫附其主。猶存故
歌。繞樹三匝。文帝受禪。陳師吳會。乃賦孤雁南翔。王
業可以槩見。

於譙作

清夜延貴客。明燭發高光。豐膳漫星陳。旨酒盈玉觴。絃
歌奏新曲。游響拂丹梁。繁音赴迅節。慷慨時激揚。獻酬
紛交錯。雅舞何鏘鏘。羅纓從風飛。長劒自低昂。穆穆衆

君子和合同樂康。

芙蓉池作

乘輦夜行遊。逍遙步西園。雙渠相溉灌。嘉木繞通川。卑
枝拂羽蓋。修條摩蒼天。驚風扶輪轂。飛鳥翔我前。丹霞
夾明月。華星出雲間。上天垂光彩。五色一何鮮。壽命非
松喬。誰能得神仙。邀遊快心意。保已終百年。

右載文選。

於譙作繁。選作餘。今從詩紀。

於立武陂作

兄弟共行遊。驅車出西城。野田廣開闢。川渠互相經。黍
稷何鬱鬱。流波激悲聲。菱芡覆綠水。芙蓉發丹榮。柳垂
重蔭綠。向我池邊生。乘渚望長洲。羣鳥譁鳴。萍藻泛

濫浮澹澹隨風傾。忘憂共容與。暢此千秋情。

序曰。右三詩。游燕之雅也。鹿鳴伐木。嘉惠不忘。方斯邈矣。

黎陽作

千騎隨風靡。萬騎正龍驤。金鼓震上下。干戚紛縱橫。白旄若素霓。丹旗發朱光。追思太王德。胥宇誠足臧。經歷萬歲林。行行到黎陽。

至廣陵於馬上作

魏志黃初六年十月。行幸廣陵故城。臨江觀兵。戍卒十餘萬。旌旗數百里。帝于馬上爲詩。是歲大寒。水。舟不得入江。乃引還。

觀兵臨江水。水流何湯湯。戈矛成山林。玄甲耀日光。猛

詩集廣序

卷六

魏二

五言

三

將懷暴怒。膽氣正縱橫。誰云江水廣。一葦可以航。不戰
屈敵。戢兵稱賢良。古公宅岐邑。實始剪殷商。孟獻營
虎牢。鄭人懼稽顙。克國務耕殖。先零自破亡。興農淮泗
間。築室都徐方。量空運權略。六軍咸悅康。豈如東山詩。
悠悠多憂傷。

序曰。文帝賦臨江。觀兵廣陵作也。興農淮泗間。此不
戰而屈人之略。羊叔子卒以此策乘吳。文帝遠略先
見。

孟津

良辰啓初節。高會構歡娛。通天拂景雲。俯臨四達衢。羽
爵浮象樽。珍膳盈豆區。清歌發妙曲。樂正奏笙竽。曜靈

忽西邁。炎燭繼。望舒翼。日浮黃河長。驅旋鄴都。

右載詩紀

初學記。構作極。

清河作

方舟戲長水。湛澹自浮沉。絃歌發中流。悲響有餘音。音聲入君懷。悽愴傷人心。心傷安所念。但願恩情深。願爲晨風鳥。雙飛翔北林。

清河見挽船士新婚與妻別作

與君結新婚。宿昔當別離。涼風動秋草。蟋蟀鳴相隨。冽冽寒蟬吟。蟬吟抱枯枝。枯枝時飛揚。身體忽遷移。不悲身遷移。但惜歲月馳。歲月無窮極。會合安可知。願爲雙黃鵠。比翼戲清池。

詩集廣序

卷六

魏二

五言

四

右二章。見玉臺新詠。藝文作徐幹詩。紀同。

序曰。文帝五言。徐孝穆獨存。方舟戲長水。與君結新婚。爲黃初高調。余謂頌詩者。逸其志可也。

失題

巾車出鄴宮。較獵東橋津。重置施密網。罕畢飄如雲。彎弓忽高馳。一發連雙鶩。

見藝文類聚

序曰。巾車出鄴中。闕文詩也。闕而存之何也。子建詩。飄飄我公子。機巧忽若神。與劉公幹射鵝同刺。

陳思王

再見

蕭頴士曰。曹植豐贍。

沈約北史文苑叙曰。當塗受命。曹王陳阮。負宏衍之

思擬棟幹于鄧林者。傳論曰。先士茂製于建。而京之作。仲宣霸岸之篇。子荆零雨之章。正長朔風之句。並直舉胃情。非傍書史。正以音律調韻。取高前式。自靈均以來。此秘未覩。鍾嶸詩品曰。陳思爲建安之傑。公幹仲宣爲輔。陸機爲太康之英。安仁景陽爲輔。謝客爲元嘉之雄。顏延年爲輔。皆五言之冠冕也。古詩非調五音。無以諧會。若置酒明月。爲韵之首。劉勰聲律論曰。夫宮商大和。辟諸吹簫。竽瑟取均。頗似調瑟。瑟資移柱。故有時而乖戾。簫含定管。故無往而不。陳思潘岳。吹簫之調也。陸機左思。瑟柱之和也。

陳孔璋客車阿王牋云。音義既遠。清辭發絕。夫聽白雪之音。觀淶水之節。然後東野巴人。出鄒益著。

李白曰。子建牢籠羣彥。文苑之羽儀。詩人之龜鑑。

文中子曰。陳思王理達者也。以天下讓。

李夢陽序略曰。子讀植詩。其音宛其情危。其言憤切。而有餘悲。殆處危疑之際者乎。予于是知魏之不競矣。按表云。取齊者田族。分晉者趙魏。意若暗指司馬氏者。嚴號明主。乃竟不悟悲夫。

雜詩九首

明月炤高樓。流光正徘徊。上有愁思婦。悲歎有餘哀。借問歎者誰。言是宕子妻。君行踰十年。孤妾嘗獨棲。君若清路塵。妾若濁水泥。浮沉各異勢。會合何時諧。願爲西南風。長逝入君懷。君懷良不開。賤妾當何依。

樂府怨歌行本辭。文選七哀詩。本集同。今從王臺集。謹按。七哀詩。或云起于建。仲宣次之。張孟陽又次之。釋詩者謂一事而七哀具。似矣。不如李穆列雜詩爲正。

西北有織婦。綺縠何繽紛。明晨乘機杼。日昃不成文。太息終長夜。悲嘯入青雲。妾身守空閨。良人行從軍。自期三年歸。今已歷九春。孤鳥遶樹翔。嗷嗷鳴索羣。願爲南流景。馳光見我君。

文選雜詩三。本集同。孤作飛。今從王臺集。集考。縠之精者曰縠。不成文。言憂甚而志亂也。一歲

三春。故二年九春。纂要曰。九十月曰九春。

微陰翳陽景。清風飄我衣。游魚潛綠水。翔鳥薄天飛。眇眇客行士。遙役不得歸。始出嚴霜結。今來白露晞。游子歎黍離。處者歌式微。慷慨對嘉賓。悽愴內傷悲。

文選情詩本集同。

謹按。起調與浮雲蔽白日異。夏至陰生。而清風戒塗。言時方盛而衰已伏也。此意惟遷客知之。與黍離式微之歎。

攬衣出中閨。逍遙步兩楹。閒房何寂寞。綠草被堦庭。空室自生風。百鳥翔南征。春思安可忘。憂戚與我并。佳人在遠道。妾身單且癯。歡會難再遇。芝蘭不重榮。人皆棄舊愛。君豈若平生。寄松爲女蘿。依水如浮萍。齋身奉衿帶。朝夕不墮傾。儻終顧盼恩。永副我中情。

本集作閑情。今從玉臺集。

謹按。右二詩。調本東坡高。且長曲。刺魏之不競也。忠言無所與陳焉。

南國有佳人。容華若桃李。朝游江北岸。夕宿瀟湘沚。時

俗薄朱顏誰為發皓齒。俛仰歲將暮。榮耀難久恃。

文選。雜詩四。右五章。載玉臺新咏。

謹按。南國有佳人。英雄撫時之感。國風之詠。標梅也。

高臺多悲風。朝日炤北林。之子在萬里。江湖迥且深。方

舟安可極。離思故難任。孤雁飛南遊。過庭長哀吟。翹思

慕遠人。願欲托遺音。形影忽不見。翩翩傷我心。

文選。雜詩一。

集。考高臺。喻京師。悲風。言教令。朝日。喻君之明。炤北

林。喻小人。隔蔽。

謹按。高臺多悲風。傷政急也。南游。作于播遷之後。

轉蓬離本根。飄颻隨長風。何意迴飈舉。吹我入雲中。高

高上無極。天路安可窮。類此游客子。捐軀遠從戎。毛褐不掩形。薇蠶嘗不克。去去莫復道。沉憂令人老。

文選。雜詩二。玉臺集闕。謹按。博蓬離本恨。卽吁嗟篇之本辭也。掉尾換韻。漢詩。青青河邊草同。文帝西北有浮雲。亦倣此。

僕夫早嚴駕。吾將遠行遊。遠遊欲何之。吳國爲我將。騁萬里途。東路安足繇。江介多悲風。淮泗馳急流。願欲一輕濟。惜哉無方舟。閒居非吾志。甘心赴國憂。

文選。雜詩五。

謹按。陳王嘗親吳會。與司馬仲達書曰。今賊徒欲保江表。無爭雄宇內之志。其俗以洲渚爲營壁。江淮爲城壘而已。若可得挑致。吾一旅之卒。足以敵之。足下曾無度彼之謀。恐非主上授節將之心也。觀此。其略亦見。

飛觀百餘尺。臨牖御櫺軒。遠望周千里。朝夕見平原。烈

士多悲心。小人媮自閒。國讎亮不塞。甘心思喪元。拊劒西南望。思欲赴太山。絃急悲聲發。聆我慷慨言。

文選雜詩六。本集闕。

謹按。前七章。思立國也。魏根本之撥。其憂深。後二章。志一統也。而君志荒。臣坐太。其風激。然託興微遠。志存忠厚。卽接武古詩。何多讓焉。

公宴詩

公子敬愛客。終宴不知疲。清夜遊西園。飛蓋相追隨。明月澄清景。列宿正參差。秋蘭被長坂。朱華冒綠池。潛魚躍清波。好鳥鳴高枝。神飈接丹轂。輕輦隨風移。飄飄放志意。千秋長若斯。

集考。朱華。芙蓉。冒。覆也。

謹按。子建公宴詩。比于盛世之音也。小雅以覺報宴。不忘慈惠。此詩有焉。

侍太子坐

白日曜青春。時雨靜飛塵。寒水辟炎景。涼風飄我身。清
醴盈金觴。餽饌縱橫陳。齊人進奇樂。歌者出西秦。翩翩
我公子。機巧忽若神。

謹按侍太子坐志諷也。余聞變風。指寄言表。此與鄭
風叔于田齊風倚嗟昌兮同一隱刺。

送應氏詩二首

獻帝紀曰。車駕至維陽。宮室盡燒。時董卓遷獻帝于
西京。

步登北邙坂。遙望維陽山。維陽何寂寞。宮室盡燒焚。垣
墻皆頓擗。荊棘上參天。不見舊耆老。但覩新少年。側足
無行徑。荒疇不復田。游子久不歸。不識陌與阡。中野何
蕭條。千里無人烟。念我平生親。氣結不能言。

清時難屢得嘉會不可嘗天地終無極人命若朝霜願
得展嫵婉我友之朔方親昵並集送置酒此河陽中饋
豈獨薄賓飲不盡觴愛至望苦深豈不愧中腸山川阻
且遠別促會日長願爲比翼鳥施翮起高翔

謹按送應氏二詩絕似李少卿歌調自公譙三良遊
仙以往俱高步建安不落黃初一格

三良詩

左傳秦伯任好卒以子車氏三子奄息仲行鍼虎爲
殉皆秦之良也詩人作黃鳥以哀之秦穆與羣臣
飲酒酒酣公曰生共此樂死共此哀奄息等許諾及
公薨皆從死

功名不可爲忠義我所安秦穆先下世三臣皆自殘生
時等榮樂旣沒同憂患誰言捐軀易殺身誠獨難攬涕
登君墓臨穴仰天歎長夜何冥冥一往不復還黃鳥爲

悲鳴哀哉傷肺肝

右五章載文選玉臺並關

謹按余讀三良詩得君子用心之一焉。夫人之見察于其君也。不以存沒異心。或不見察于其君也。亦不以榮落易節。詩序所謂主文而譎諫者也。

遊仙詩

人生不滿百。戚戚少歡娛。意欲奮六翮。排霧凌紫虛。蟬蛻同松喬。翻跡登鼎湖。翱翔九天上。騁轡遠行遊。東觀扶桑曜。西臨弱水流。北極玄天清。南翔步丹丘。

本集文選關見詩紀

謹按遊仙詩。屈子之懷遠遊。平子之賦思玄也。郭景純詩亦然。子建收川散調。合古意從漢江南曲變來。

贈白馬王彪 七首

本序曰。黃初四年正月。白馬王。任城王。與余俱朝京師。會節氣。到雒陽。任城王薨。至七月。與白馬王還國。

後有司以二王歸蕃道路宜異宿止意毒恨之蓋以大別在數日是用自剖與王辭焉憤而成篇。魏志楚王彪字朱虎武帝子也初封白馬王後徙封楚任城王彰字子文卞皇后子與植同母建安中伐烏桓有功文帝黃初三年爲任城王四年朝京師不卽得見暴薨。

謁帝承明廬。逝將歸舊疆。清晨發皇邑。日夕過首陽。伊
雒廣且深。欲濟川無梁。汎舟越洪濤。怨彼東路長。顧瞻
戀城闕。引領情內傷。

集考。魏明帝作建始殿。朝會皆繇承明門。舊疆。鄆城也。時植雖封雍丘。仍居鄆城。

太谷何寥廓。山樹鬱蒼蒼。霖雨泥我塗。流潦浩縱橫。中
遠絕無軌。改轍登高岡。修坂造雲日。我馬玄以黃。

魏志。黃初四年七月大雨。伊雒溢流。

玄黃猶能進。我思鬱以紆。鬱紆將何念。親愛在離居。本

圖相與備中更不克俱。鵠臬鳴衡，軛豺狼當路。衢蒼蠅
間白黑，讒巧令親疎。欲還絕無蹊，攬轡止踟躕。

集考：鄭玄曰：蠅之爲蟲，汗白使黑，汗黑使白。文選何念作難進。今從詩紀。

踟躕亦何留，相思無終極。秋風發微涼，寒蟬鳴我側。原
野何蕭條，白日忽西匿。歸鳥赴喬林，翩翩厲羽翼。孤獸
走索羣，街草不遑食。感物傷我懷，撫心長歎息。

蟬

蟬應陰而鳴，鳴則天涼，故謂之蟬。

歎息將何爲？天命與我違。奈何念同生，一往形不歸。孤
魂翔故域，靈柩寄京師。存者忽復過，亡沒身自衰。人生
處一世，去若朝露晞。年在桑榆間，影響不能追。自顧非
金石，咄喑令心悲。

言身厚尸
心悲動我神。棄置莫復陳。丈夫志四海。萬里猶比鄰。恩
愛苟不虧。在遠分日親。何必同衾幃。然後展殷勤。憂思
成疾疢。無乃兒女仁。倉卒骨肉情。能不懷苦辛。

集考。襦。床帳也。幃與襦古字通。

苦辛何慮思。天命信可疑。虛無求列仙。松子久吾欺。變
故在斯須。百年誰能持。離別永無會。執手將何時。王其
愛玉體。俱享黃髮期。收淚卽長路。援筆從此辭。

右載文選

藝苑卮言曰。是詩全法大雅文王之什。篇體特首二
章。不相承耳。後人不知。合爲一章。
謹按。謁帝承明廬。怨別也。天上關親親之恩。而下替
友于之愛。是愈疏也。故怨而作詩。

贈丁儀王粲

魏書建安二十年。公西征。張魯漢書。郭農縣故秦函
谷關。時極以臨。滋侯從征。

從軍度函谷。驅馬過西京。山岑高無極。涇渭揚濁清。壯
哉帝王居。佳麗殊百城。員闕出浮雲。承露槩泰清。皇佐
揚天惠。四海無交兵。權家雖愛勝。全國爲令名。君子在
末位。不能歌德聲。丁生怨在朝。王子歡自營。歡怨非貞
則。中和誠可經。

集考。皇佐。太祖也。君子謂丁王。權家兵家。孫子曰。用
兵全國爲上。破國次之。
謹按。皇佐。揚天惠。立言有法。與王粲公燕詩。克符周
公業同。

贈丁翼

嘉賓填城闕。豐膳出中廚。吾與二三子。曲宴此城隅。秦
箏發西氣。齊瑟揚東謳。肴來不虛歸。觴至反無餘。我豈

詩集廣序

卷六

魏二

五言

士

狎異人。朋友與我俱。大國多良材。譬海出明珠。君子義
休倚。小人德無儲。積善有餘慶。榮枯立可須。滔蕩固大
節。時俗多所拘。君子通大道。無願爲世儒。

集考。文士傳。翼字敬禮。儀之弟也。爲黃門侍郎。

贈丁儀

初秋涼風發。庭樹微銷落。凝霜依玉除。清風飄飛閣。朝
雲不歸山。霖雨成川澤。黍稷委疇隴。農夫安所獲。在貴
多忘賤。爲恩誰能博。狐白足禦冬。焉念無衣客。思慕延
陵子。寶劍非所惜。子其寧爾心。親交義不薄。

魏略。丁儀字正禮。太祖辟爲掾。集曰。與都亭侯司馬

贈王粲

端坐苦愁思。攬衣起西遊。樹木發春華。清池激長流。中有孤鶯驚。哀鳴求匹儔。我願執此鳥。惜哉無輕舟。欲歸忘故道。顧望但懷愁。悲風鳴我側。羲和逝不留。重陰潤萬物。何懼澤不周。誰令君多念。自使懷百憂。

集考鶯驚喻榮重陰喻太祖也

謹按端坐苦愁思詠孤鶯之求匹伐木之義也。一曰植以才見異而丁儀丁翼楊修爲之羽翼時魏公誅楊修此榮之特棲鳥詩所爲作也。贈詩答其意。余讀思王賦水重深而魚悅林茂修而鳥喜蓋恢弘德度進父兄以所短也。

贈徐幹

驚風飄白日。忽然歸西山。圓景光未滿。衆星粲以繁。志士營世業。小人亦不閒。聊且夜行遊。遊彼雙闕間。文昌鬱雲興。迎風高中天。春鳩鳴飛棟。流焱激櫺軒。顧念蓬

室士貧賤誠足憐。薇藿弗充虛。皮褐猶不全。慷慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷璠璣美。積久德愈宣。親交義在敦。申章復何言。

右五章載文選

集考文昌正殿名迎風觀在鄴

謹按子建贈詩五章初從魏公征行攬御英雄之槩畧見魏公之御天下以術智其處家人父子也無以異悲夫

序曰思王詩興喻與論議間起于古詩亦稍縱矣其朴大疎闊處直追蘓李勁風魏晉以降詩以競麗爲工披華相質僅得其風神格調而止子美詩數稱氣象何與誦子建詩忠義我所安大國多良材重陰

潤萬物良田無晚歲可以觀氣象矣

七步詩

世說新語文帝嘗令東阿王七步中作詩不成者行大法。植應聲爲詩帝有慙色。

煮豆燃豆其豆在釜中泣。本是同根生相煎何太急。

右載詩紀

世說多煮豆持作羹漉豉以爲汁二句。本集不載。

失題

雙鶴俱遨遊相失東海傍。雄飛竄北朔。雌驚赴南湘。棄我交頸歡離別各異方。不惜萬里道但恐天網張。

見藝文類聚

雜詩

悠悠遠行客去家千餘里。出亦無所之入亦無所止。浮

寺長青亭

卷六 魏二

五言

十三

言身月戶
雲翳日光悲風動地起

芙蓉池

逍遙芙蓉池。翩翩戲輕舟。南陽棲雙鵠。北柳有鳴鳩。

言志

慶雲未時興。雲龍潛作魚。神鸞失其儔。還從燕雀居。

右詩紀闕文詩

序曰。余搜故牒。得子建詩五章。都闕文。其佚者有間矣。惜哉。

詩集廣序卷之六終

男爾邁較正

詩集廣序目次 卷之七

魏詩三

五言二

王粲

七哀詩三首

懷德詩

公燕詩

詠史詩

雜詩

雜詩四首

劉楨

雜詩

公燕詩

贈五官中郎將四首

贈徐幹

贈從弟三首

射雉

關鷄

失題二首

陳琳

遊覽二首

徐幹

情詩

雜詩五首

室思

答劉公幹詩

阮瑀

雜詩二首

七哀詩

應

瑒

侍五官集詩

別詩二首

應

璩

百一詩二首

雜詩二首

三叟

關文詩

應

瑗

雜詩

繁

欽

蕙詠

杜

肇

贈毋丘儉

毋丘儉

答杜肇

何

晏

擬古

失題

王

宋

詩二首

程

曉

嘲熱客

葛

玄

仙公詩二首

素

必
遠遊

詩集廣序

卷之七

江左朱嘉徵止谿論正

中州許三禮西山叅定

魏詩三

五言二

王粲再見

蕭穎士曰。王粲超邁。

詩品曰。粲詩其源出于李陵。發歎愴之詞。在曹劉間。

別情一體。體性篇。仲宣躁銳。穎出而才果。

劉勰曰。仲宣詩。七子之冠冕。

李白曰。河朔人物。王劉稱首。

七哀詩三首

本集。蔡避難荊州時作。

沈約曰。仲宣濁岸篇。音律調韻。靈均以來。此秘未覩。

西京亂無象。豺虎方遘患。復棄中國去。委身適荆蠻。親戚對我悲。朋友相追攀。出門無所見。白骨蔽平原。路有饑婦人。抱子棄草間。顧聞號泣聲。揮涕獨不還。未知身死處。何能兩相完。驅馬棄之去。不忍聽此言。南登霸陵岸。回首望長安。悟彼下泉人。喟然傷心肝。

右載文選

荆蠻非我鄉。何爲久滯滯。方舟泝大江。日暮愁我心。山岡有餘映。巖阿增重陰。狐狸馳赴穴。飛鳥翔故林。流波激清響。猴猿臨岸吟。迅風拂裳袂。白露沾衣襟。獨夜不能寐。攝衣起撫琴。絲桐感人情。爲我發悲音。羈旅無終極。憂思壯難任。

邊城使心悲。昔吾親更之。冰雪截肌膚。風飄無止期。百
里不見人。草木誰當遲。登城望亭隧。翩翩飛戍旗。行者
不顧反。出門與家辭。子弟多俘□。哭泣無已時。天下盡
樂土。何爲久留茲。蓼蟲不知辛。去來勿與諮。

右三章載詩紀 選治同平聲

序曰。仲宣七哀。閔亂也。登樓賦。惟日月之逾邁。俟河
清之未極。可以蔽之。孟德瞻彼雒城郭。微子爲哀
傷。侍中南登灞陵岸。回首望長安。使人低徊欲絕。去
漢樂府何遠。相其英分。見人變古詩之淳茂。而自
成其雄高磊落大手筆也。觀子建從軍度函谷詩。頗
難降下。

懷德詩

伊昔值世亂。秣馬辭帝京。既傷蔓草別。方知杖杜情。穀
函復丘墟。冀闕緬縱橫。倚棹汎涇渭。日莫山河清。蟋蟀
依桑野。嚴風吹若莖。鸛鵒在幽草。客子哭已零。去鄉三
十載。幸遭天下平。賢主降嘉賞。金貂服玄纓。侍宴出河
曲。飛蓋遊鄴城。朝露竟幾何。忽如水上萍。君子篤義惠
柯葉。終不傾。福履既所綏。千載垂令名。

右載本集

集考魏書。公破劉表而辟粲。遇之甚厚。

序曰。君子知己之感。以義不以惠。王侍中爲賦懷德
詩。

公讌詩

昊天降豐澤。百卉挺葳蕤。涼風撤蒸暑。清雲却炎暉。高
會君子堂。竝坐蔭華榱。嘉肴克圓方。旨酒盈金罍。管絃
發徽音。曲度清且悲。合坐同所樂。但愬栝行遲。嘗聞詩
人語。不醉且無歸。今日不極歡。含情欲待誰。見眷良不
翅。守分豈能違。古人有遺言。君子福所綏。願我賢主人。
與天享巍巍。克符周公業。奕世不可追。

序曰。公讌詩。克符周公業。嚴筆也。荀文若一流人。
左顧右盼。旁若無人之槩。子建遇之。自然傾下。重
陰潤萬物。何懼澤不周。與昊天降豐澤。百卉挺葳蕤。
頌中寓規略同。

詠史詩

呂向曰曹公好以已事誅殺賢良。秦故託言秦穆公
殺三良自殉以諷之。

自古無殉死。達人所共知。秦穆殺三良。惜哉空爾爲。結
髮事明君。受恩良不訾。臨沒要之死。焉得不相隨。妻子
當門泣。兄弟哭路陲。臨穴呼蒼天。涕下如綆縻。人生各
有志。終不爲此移。同知埋身劇。心亦有所施。生爲百夫
雄。死爲壯士規。黃鳥作哀詩。至今聲不虧。

右三章載文選。詩序黃鳥哀三良也。
皎然曰陳王詩秦穆先下世。三臣皆自殘。仲宣詩秦
穆殺三良。惜哉空爾爲。蓋以徒國任城。嘗有憂生之
慮。故其詞婉婉。存後諫也。王顯責穆公正言其過。存
直諫也。二詩體格高遠。才藻亦相敵。

雜詩

日莫遊西園。冀寫憂思情。曲池揚素波。列樹敷丹榮。上

有特棲鳥。懷春向我鳴。寒衽欲從之。路險不得征。徘徊不能去。佇立望爾形。風颭揚塵起。白日忽已冥。回首入空房。託夢通精誠。人欲天不違。何懼不合并。

序曰。日莫遊西園。懷人也。時事或有難言者。故系之雜詩。余按本集。粲有與楊德祖詩。今則亡。時修與丁儀。並以臨淄見戮。中詠特棲鳥者。子建也。植贈粲詩。中有孤鶩。哀鳴求匹儔。以此。

雜詩四首

吉日簡清時。從君出西園。方軌策良馬。並驅厲中原。北臨清漳水。西看柏陽山。回翔遊廣囿。逍遙波水間。列車息衆駕。相伴綠水湄。幽蘭吐芳烈。芙蓉發紅暉。百

鳥何續。振翼羣相追。投網引潛魚。强弩下高飛。白日已西邁。歡樂忽忘歸。

集見清河作同辭。

聯翮飛鸞鳥。獨遊無所因。毛羽照野草。哀鳴入層雲。我尚假羽翼。飛覩爾形身。願及春陽會。交頸遊殷勤。驚鳥化爲鳩。遠竄江漢邊。遭遇風雲會。託身鸞鳳間。天姿旣否戾。受性又不閒。邂逅見逼迫。俛仰不得言。

右載本集藝文類聚同

序曰。侍中雜詩四章。疑初謝臨淄侯交。而見迫于子桓也。

劉楨

公幹。東平人。太祖辟爲丞相掾。屬太子。嘗宴諸文學。酒酣。命夫人甄氏出拜。坐中咸伏。楨獨平

視。太祖問之。乃收治罪滿死。輸作署吏。建安二十二年卒。

文帝曰。公幹有逸氣。但未道耳。至五言詩之善者。妙絕時倫。

鍾記室曰。植詩氣奇。高風跨俗。自思王以下。拔稱獨步。

劉彥和曰。劉植情高。以會采。

僧皎然曰。鄴中詩。陳王最高。劉郎語興。驅勢逐情起。不拘對屬。不繇作意。氣格自高。十九首其流一也。

雜詩

職事相填委。文墨紛消散。馳翰未暇食。日昃不知晏。沈迷簿領書。回回自昏亂。釋此出西城。登高且遊觀。方塘含白水。中有鳬與鴈。安得肅肅羽。從爾浮波瀾。

右載文選。

序曰。劉文學雜詩。方塘含白水。自然瀟灑。言外有河

清之思。

公讌詩

永日行遊戲。歡樂猶未央。遺思在玄夜。相與復翱翔。輦車飛素蓋。從者盈路傍。月出炤園中。珍木鬱蒼蒼。清川過石渠。流波爲魚防。芙蓉散其華。菡萏溢金塘。靈鳥宿水裔。仁獸遊飛梁。華館寄流波。豁達來風涼。生平未始聞。歌之安能詳。投翰長歎息。綺麗不可忘。

右載文選。

序曰。永日行遊戲。燕會之雅也。風喻深長。頌而不諛。僅見子建。公幹。仲宣。三作。唐詩應制所昉。

贈五官中郎將

四首

魏志建安十六年正月天子命公世子丕爲五官中郎將副丞相時來視植疾植詩贈之

昔我從元后。整駕至南鄉。過彼豐沛都。與君共翱翔。四節相推斥。季冬風且涼。衆賓會廣坐。明鐙燿炎光。清歌製妙聲。萬舞在中堂。金罍含甘醴。羽觴行無方。長夜忘歸來。聊且爲太康。四牡向路馳。歡悅誠未央。

選注元后謂操也南鄉征劉表也豐沛喻譙君五官也

余嬰沈痼疾。竄身清漳濱。自夏涉玄冬。彌曠十餘旬。嘗恐游岱宗。不復見故人。所親一何篤。步趾慰我身。清談同日久。情盼叙憂勤。便復爲別辭。遊車歸西隣。素葉隨風起。廣路揚埃塵。逝者如流水。哀此遂離分。追問何時會。要我以陽春。望慕結不解。貽爾新詩文。勉哉修令德。

詩集廣序

卷七

魏三

五言

六

北面自寵珍

漢書魏郡武始縣。漳水至邯鄲入漳。

秋日多悲懷。感慨以長歎。終夜不遑寐。叙意於濡翰。明
燈曜閨中。清風淒已寒。白露塗前庭。應門重其闕。四節
相推斥。歲月忽欲殫。壯士遠出征。戎事將獨難。涕泣灑
衣裳。能不懷所歡。

選注。壯士。謂五官。出征。謂在孟津。典畧曰。建安二十
二年。魏郡大疫。徐幹。劉楨等俱逝。然其間惟鎮孟津
及黎陽。而無所征伐。

涼風吹沙礫。霜氣何皚皚。明月炤緹幕。華燈散炎輝。賦
詩連篇章。極夜不知歸。君侯多壯思。文雅縱橫飛。小臣
信頑鹵。隴倅安能追。

右四章載文選

集考漢舊儀列侯爲丞相稱君侯。

序曰昔我從元后。勉君侯以令德也。劉文學詩。風規俊朗。聲清越以長。頌詩可想見其爲人。叙述問答。有頌有勉。腕下折旋如風。見其氣爽力勁也。

贈徐幹

誰謂相去遠。隔此西掖垣。拘限清切禁。中情無繇宣。思子沈心曲。長歎不能言。起坐失次第。一日三四遷。步出北寺門。遙望西苑園。細柳夾道生。方塘含清源。輕葉隨風轉。飛鳥何翻翻。乖人易感動。涕下與衿連。仰視白日光。皦皦高且懸。兼燭八紘內。物類無煩偏。我獨抱深感。不得與比焉。

右戴文選

集考風俗通尚書侍御史謁者所止皆曰寺

序曰誰謂相去遠贈友也情致娓娓任其繚繞委至
彌見雄逸却與古詩融于水乳

贈從弟

三首

汎汎東流水。磷磷水中石。蘋藻生其涯。華葉紛擾溺。采
之薦宗廟。可以羞嘉客。豈無園中葵。懿此出深澤。
亭亭山上松。瑟瑟谷中風。風聲一何盛。松枝一何勁。冰
霜正慘淒。終歲嘗端正。豈不罹凝寒。松柏有本性。
鳳凰集南嶽。徘徊孤竹根。于心有不厭。奮翅凌紫氛。豈
不嘗勤苦。羞與黃雀羣。何時當來儀。將須聖明君。

右三章載文選

選注鳳生丹穴曰南嶽黃雀喻俗士也

射鳶

鳴鳶天雙翼飄飄薄青雲我后橫怒起意氣凌神仙發
機如驚燄三發兩鳶連流血灑牆屋飛毛從風旋庶士
同聲贊君射一何妍

鬪鷄

丹鷄被華采雙距如鋒芒願一揚炎威會戰此中唐利
爪探玉除瞋目含火光長翹驚風起勁翮正敷張輕舉
奮勾喙電擊復還翔

右二章載詩紀

序曰劉文學贈從弟詩以勉之與高有逸氣爲嵇叔
夜所宗射鳶鬪鷄諷詩也文帝嘗爲樂方未弘大道

子建亦有白日曜青春遊目極妙伎之句。

失題 二首

昔君錯畦時東土有素木條柯不盈尋一尺再三曲隱生寘翳林倥偬自迫束得託芳蘭苑列植高山足。關青青女蘿草上依高松枝幸蒙庇養恩分惠不可貲風雨雖急疾根株不傾移。關

右闕文詩二章見藝文 本集作雜詩

序曰失題二章豈初從魏公時作耶。

陳琳

孔璋廣陵人。避難冀州。袁紹使典文章。袁氏敗。後歸太祖。太祖使琳與阮瑀並爲司空軍謀祭

酒管記室。軍國書檄。多琳瑀所作也。徙門下督。

魏文帝典論曰。琳瑀之章奏書記。今之雋也。

陳思王與琳書曰。夫披翠雲以爲衣。戴北斗以爲冠。帶虹蜺以爲紳。連日月以爲佩。此服非其美也。然而

帝王不服者。望殊于天。志絕于心矣。蓋譏其少便習之辭也。

遊覽二首

高會時不娛。羈客難爲心。殷懷從中發。悲感激清音。投觴罷歡坐。逍遙步長林。肅肅山谷風。默默天路陰。惆悵忘旋反。歔歔涕沾襟。

節運時氣舒。秋風涼且清。閒居心不娛。駕言從友生。翺翔戲長流。逍遙登高城。東望看疇野。廻顧覽園庭。嘉木凋綠葉。芳草織紅榮。騁哉日月逝。年命將西傾。建功不及時。鐘鼎何所銘。收念還房寢。慷慨詠墳經。庶幾及君在。立德垂功名。

右載詩紀

謹按玉臺集載孔璋飲馬長城窟行。今入樂府古詩

繞二章耳。因感典論不及其詩。而子建書詞亦譏也。讀其騁哉日月。迥氣格頗高。溫飛卿有詩吊之。石麟埋沒藏春草。銅雀荒涼對暮雲。

序曰。高會時不娛。陳記室志義之感也。

徐幹

偉長。北海人。爲司空軍謀祭酒掾。屬五官中郎將文學。

文帝曰。文人類不護細行。鮮能以名節自立。偉長獨懷文抱質。恬澹寡欲。有箕山之志。可謂彬彬君子矣。典論曰。王粲長于辭賦。徐幹時有齊氣。然粲之匹也。著論成一家言。

情詩

高殿鬱崇崇。廣廈淒泠泠。微風起闔闔。落日炤堦庭。踟躕雲屋下。笑歌倚華楹。君行殊不返。我飾爲誰榮。鑪薰闔不用。鏡匣上塵生。綺羅失嘗色。金翠暗無精。嘉肴旣忘御。旨酒亦嘗停。顧瞻空寂寂。唯聞燕雀聲。憂思連相

屬中心如宿醒

玉臺新詠

謹按高殿鬱崇崇歎行與願違也古來才士遇合何獨不然偉長託興于情詩與樂府豫章行艷歌行同指。

雜詩五首

沈陰結愁憂。愁憂爲誰興。念與君相別。各在天一方。良會未有期。中心摧且傷。不聊憂飡食。慊慊嘗饑空。端坐而無爲。髣髴君容光。

我我高山首。悠悠萬里道。君去日已遠。鬱結令人老。人生一世間。忽若薺春草。時不可再得。何爲自愁惱。每誦昔鴻恩。賤軀焉足保。

浮雲何洋洋。願因通我詞。飄飄不可寄。徙倚徒相思。人

離皆復會。君獨無返期。自君之出矣。明鏡暗不治。思君如流水。何有窮已時。

古藝文作室思。宋孝武自君之出矣。題云擬室思。本集玉臺新詠並爲雜詩。

慘慘時節盡。蘭華凋復零。喟然長歎息。君期慰我情。展轉不能寐。長夜何綿綿。躡履起出戶。仰觀三星連。自恨志不遂。泣涕如涌泉。思君見巾櫛。以益我勞勤。安得鴻鸞羽。覩此心中人。誠心亮不遂。搔首立悁悁。何言一不見。復會無因緣。故然比目魚。今隔如參辰。

室思

人靡不有初。想君能終之。別來歷年歲。舊恩何可期。重

新而忘故君子所猶譏寄身雖在遠豈忘君須臾既厚
不爲薄想君時見思

右並見玉臺新詠

謹按雜詩並室思同爲風人專一之思也思力窮窮
如齊都賦含清歌以詠志者非耶

答劉公幹詩

與子別無幾所經未一旬我思一何篤其愁如三春雖
路在咫尺難涉如九關陶陶諸夏別草木昌且繁

詩品曰白馬與陳思答贈偉長與公幹往復雖日以
莛扣鐘亦能閑雅矣白馬詩今不傳

序曰偉長詩絕沈惋開六代人風尚爲古詩變調
取致簡遠頗少齊氣

阮瑀

元瑜陳留人少受學于蔡邕曹操辟爲司空軍
謀祭酒管記室後爲倉曹掾屬建安十七年卒

雜詩二首

臨川多悲風。秋日苦清涼。客子易爲戚。感此用哀傷。攬衣起躑躅。上觀心與房。三星守故次。明月未收光。雞鳴當何時。朝晨尚未央。還坐長歎息。憂憂安可忘。我行自凜秋。季冬乃來歸。置酒高堂上。友朋集光輝。念當復離別。涉路險且危。思慮益惆悵。淚下沾裳衣。

右載詩紀

謹按。瑀河清難俟賦臨川多悲風之二章。

七哀詩

丁年難再遇。富貴不重來。良時忽一過。身體爲土灰。冥冥九泉室。漫漫長夜臺。身盡氣力索。精魂靡所能。嘉肴設不御。旨酒盈觴杯。出壙望故鄉。但見蒿與萊。

右見本集

謹按。七哀同驅車上東門一例。或曰。爲遇良時而不
知立業者告也。徒取富貴自了一生。豈不哀乎。

序曰。元瑜雅合古詩風度。可以追躡王劉偉長輩不
及也。初瑀不受魏公之辟。作箏賦以見志。公焚山
而得之。豈賦所稱卓礫盤紆壯士之節者耶。

應瑒

德璉汝南人。劭之從子。太祖辟爲丞相掾屬。轉
平原侯庶子。後爲五官中郎將。文學。建安二十

二年卒。

侍五官中郎將建章臺集詩

魏志。建安十六年正月。天子命公世子丕爲五官中
郎將。

朝雁鳴雲中。音響一何哀。問子遊何鄉。戢翼正徘徊。昔
我塞門來。將就衡陽棲。往春翔北土。今冬客南淮。遠行

蒙霜雪。毛羽日摧頽。常恐傷肌骨。身隕沈黃泥。簡珠墮沙石。何能中自諧。欲因雲雨會。濯翼陵高梯。良遇不可值。伸睂路何階。公子敬愛客。樂飲不知疲。和顏旣已暢。乃肯顧細微。贈詩見存慰。小子非所宐。且爲極歡情。不醉其無歸。凡百敬爾位。以副饑渴懷。

別詩二首

朝雲浮四海。日暮歸故山。行役懷舊土。悲思不能言。悠悠涉千里。未知何時旋。

浩浩長河水。九折東北流。晨夜赴滄海。海流亦何抽。遠適萬里道。歸來未有繇。臨河累太息。五內懷傷憂。

鬪雞

戚戚懷不樂。無以釋勞勤。兄弟遊戲場。命駕迎衆賓。二
部分曹伍。羣雞煥以陳。雙距解長綵。飛踊超敵倫。芥羽
張金距。連戰何繽紛。從朝至日夕。勝負尚未分。專場驅
衆敵。剛捷逸等羣。四坐同休贊。賓主懷悅欣。博奕非不
樂。此戲世所珍。

右首章見文選後三首載詩紀

序曰。德璉興高聲亮。建章集詩竝王劉公讌鼎足矣。
寔爲昭明真賞。

應璩

休璉。場之弟。博學好屬文。明帝時。歷官散騎常侍。齊王卽位。稍遷侍中。大將軍長史。典著作。嘉

平四年卒。

魏志。齊王卽位。大將軍曹爽多違法度。璩爲詩以諷焉。其言頗諱。然多切時要。

劉劭曰。百一獨立不懼詞。誦義貞。魏之遺直也。

言身居
百一詩二首

本序。時謂曹爽曰。公今聞周公巍巍之稱。安知百慮有一失乎。

下流不可處。君子慎厥初。名高不宿著。易用受侵誣。前者曠官去。有人適我閭。田家無所有。酌醴焚枯魚。問我何功德。三入承明廬。所占於此土。是謂仁智居。文章不經國。筐篋無尺書。用等稱才學。往往見歎譽。避席跪自陳。賤子實空虛。宋人遇周客。慙媿靡所如。

右載文選

年命在桑榆。東岳與我期。長短有嘗會。遲速不得辭。斗酒多爲樂。無爲待來茲。室廣致凝陰。臺高來積陽。奈何季世人。侈靡在宮牆。飾巧無窮極。土木被朱光。徵求傾

四海雅意猶未康。

右載詩紀

楚國先賢傳曰。應璩作百一詩。譏切時事。徧以示有位者。咸相怪愕。以爲應炎棄之。何晏獨無怪也。謹按。百一詩。諷時相也。曹子真。佳人之生子。豚犢耳。杞人憂天。非三人承明者不辦。後世能如應侍中者。幾人哉。

雜詩二首

細微不可慎。隄潰自蟻穴。腴理蚤從事。安復勞鍼石。哲人覩未形。愚夫闇明白。曲突不見賓。焦爛爲上客。思願獻良規。江海倘不逆。狂言雖寡善。猶有如雞跖。雞跖食不已。齊王爲肥澤。

本集廣文選並作應瑒。詩紀從藝文訂定。集考淮南子。齊王之食雞跖。必數千而後足。跖一作助。誤。

散騎嘗師友朝夕進規獻侍中主喉舌萬機無不亂尚
書統度事官人秉法憲形管弭納言貂璫表武弁出入
承明廬車服一何煥三寺齊榮秩百僚所瞻願

右見藝文

朝一作朋秉一作乘誤

謹按休璉雜詩二章獻規也明王謹細微爲先事之
防若人在位者守法憲好以職業相規久安長治之道
也

三叟

古有行道入陌上見三叟年各百餘歲相與鋤禾莠住
車問三叟何以得此壽上叟前致辭內中嫗貌醜中叟
前致辭量腹節所受下叟前致辭夜臥不覆首要哉三
叟言所以能長久

闕文詩

少壯面目澤。長老顏色麤。麤醜人所惡。拔白自洗蘓。

右載詩紀

謹按。依。連。三。變。闕。文。詩。諷。時。人。尋。末。而。遺。其。本。也。世。好。盡。年。往。往。求。之。遠。而。失。之。近。人。貴。立。德。不。耻。年。之。流。而。耻。髮。之。白。大。惑。終。身。不。解。者。哉。觀。其。立。言。非。後。人。焚。弃。所。得。盡。者。

應瑗

唐藝文志。有應瑗集十卷。

雜詩

貧子語窮兒。無錢可把撮。耕自不得粟。采彼北山葛。簞瓢恒自在。何用相呵喝。

詩紀見初學記

謹按。簞。瓢。恒。自。在。樂。道。非。樂。貧。也。應。子。可。謂。不。貧。

繁欽

再見

詩集廣序

卷七

魏三

五言

五

蕙詠

蕙草生山北。托身失所依。植根陰崖側。夙夜懼危頽。寒泉浸我根。淒風嘗徘徊。三光炤八極。獨不蒙餘暉。葩葉永彫悴。凝露不暇晞。百草皆含榮。已獨失時姿。比我英芳發。鸚鵡鳴已哀。

集考。休伯才士。不處。沈文學之列。故詠之。謹按。蕙詠。悲不遇。則也。此定情詩所爲作。

杜肇

德魯河東人。初署司徒軍謀吏。後舉孝廉。除郎中。轉補校書。

文章叙錄曰。肇與母丘儉。鄉里相親。故爲詩與儉求助也。儉答詩。竟不得遷。卒于秘書。

贈母丘儉

騏驥馬不試。婆娑槽檻間。壯士志未伸。坎軻多辛酸。伊摯爲媵臣。呂望身操竿。夷吾困商販。甯戚對牛歎。食其

處監門淮陰飢不餐買臣老負薪妻叛呼不還釋之宦
十年位不增故官才非八子倫而與齊其患無知不在
此袁盎未有言被此萬病久榮衛動不安聞有韓衆藥
信來給一丸

母丘儉

仲恭河東聞喜人初爲平原侯文學累遷荆
州刺史徙幽州刺史討公孫淵定遼東進封

安邑侯高句麗數侵叛儉討之有功遷鎮東將軍
都督揚州與揚州刺史文鎮矯太后詔討大將軍
司馬師兵敗遇害

魏志王凌風節格尚母丘儉才識拔幹諸葛誕嚴毅
威重鍾會精練策數咸以顯名致茲榮任而皆心大
志迂不慮禍難變如發機宗室塗地豈不謬惑邪

答杜摯

鳳鳥翔京邑哀鳴有所思才爲聖世出德音何不怡八
子未際遇今者遭明時胡康出隴畝楊偉無根基飛騰

詩集黃字

卷七

魏三

五言

七

冲雲天奮迅。恊光熙駿驥。骨法異伯樂。觀知之。但當養
羽翮。鴻舉必有期。體無纖微疾。安用問良醫。聯翩輕栖
集。還爲燕雀嗤。韓衆藥雖良。恐便不能治。悠悠千里情。
薄言答嘉詩。信心感諸中。中賞不在辭。

右二詩載詩紀初學記同

謹按杜較書與母丘鎮東贈答二詩或曰感切求助而不之許者非夫國家名器至重達者不求求者不予義也不然則兩失之疑別有與喻不堪爲流俗人道耶抑杜難與圖大故不及其難未始非知己也

何晏

平叔南陽宛人尚主又好色故黃初時無所事任正始中曹爽用爲中書主選舉宿舊者多得

濟拔爲司馬宣王所誅

名士傳曰是時曹爽輔政識者慮有危機晏有重名與魏姻戚內雖懷憂而無復退也著五言詩以言志

擬古

雙鶴比翼遊羣飛戲太清嘗恐失網羅憂禍一旦并豈
若集五湖順流唼浮萍逍遙放志意何為怵惕驚

集考世說雙雀作鴻鵠

失題

轉蓬去其根流飄從風移芒芒四海涂悠悠焉可彌願
為浮萍草託身寄清池且以樂今日其後非所知

見初學記

謹按晉書言何平子好老莊希心玄遠不習機務今讀雙鶴轉蓬二詩託身何當浮萍斷梗無所稅駕耶魏志文帝慕通達而士輕志節此其一徵

王宋

詩二首

本序王宋者平口將軍劉勳妻也入門三十餘年後勳悅山陽司馬氏女以宋無子出之還于道中作詩

詩集廣序

卷七

魏三

五言

七

翩翩牀前帳張以蔽光輝昔將爾同去今將爾同歸藏篋笥裏當復何時披

誰言去婦薄去婦情更重千里不唾井況乃昔所奉遠望未爲遙踟躕不得竝

右載玉臺新詠詩紀從藝文。作魏文帝代作。

謹按。王宋詩。惓惓忠愛。堪與班姬。繞扇並驅。故曰詩可以怨。文帝薄人。必不能作。讀猛虎行。雲雨散。洪池可想其薄。

程曉

季明。衛尉安鄉侯昱之孫。以祖功分封列侯。嘉平中。爲黃門侍郎。遷汝南太守。古文苑作晉人。

嘲熱客

平生三伏時。道路無行車。閉門避暑臥。出入不相過。今世褊褊子。觸熱到人家。主人聞客來。顰蹙奈此何。謂當起行去。安坐正咨嗟。所說無一急。嗜嗜一何多。疲瘞向

之久。甫問君極那。搖扇髀中疾流汗。正滂沱。莫謂爲小事。亦是一大瑕。傳戒諸高明。熱行宜見呵。

載古文苑

世說。鄒嘉賓。三伏之日。詣謝公。炎暑熏赫。雖復當風交扇。猶患汗流。離謝著數絹衣。食熱白粥。晏然無異。謹按。程汝南身列市朝。而故朝熱客。慕通達之効也。雖然。灸手場中。時宜舒此冷眼。

葛玄

孝先。句容人。人赤城山修道。吳赤烏七歲八月十五日。白日昇天。駐空賦詩。

仙公詩

二章

真人昔遺教。愍念孤癡子。嬖邪不信道。禍亂繇斯起。身隨朝露晞。悔恨何有已。大道嘗無爲。弘之繇善始。逍遙有無間。流朗絕形名。飄飄八景輿。游行白玉京。主侯能篤信。必爲天下貞。大人體至德。一切蒙其成。

言身月戶
序曰。余誦魏詩而歎之。文帝通達疎于立國。明帝懷
中失于貽謀。且朝廷薄親親之權。卿士闕羔羊之節。
七子而下。風衰俗怨矣。人曰。此玄學之咎。余曰。非也。
因取葛真人詩爲之坊云。

秦宓

遠遊

遠遊何所見。所見邈難紀。巖穴非我隣。林麓無知己。虎
則豹之兄。鷹則鵠之弟。困獸走環岡。飛鳥驚巢起。猛氣
何咆厲。陰風起千里。遠遊長太息。太息遠遊子。

謹按。遠遊。賢者去國之感。疑朝有跋扈之臣。故寓言
及之。與魏文帝樂府十五同辭。

詩集廣序卷之七終

男爾邁較正